

<https://essaillon-sederon.net/La-Bouscarlo>

Lou Trepoun 19

# La Bouscarlo

- Lou Trepoun - Lou Trepoun de 10 à 19 - Lou Trepoun 19, Jun-1995 -

Date de mise en ligne : vendredi 27 septembre 2013

Date de parution : juin 1995

---

Copyright © L'Essaillon - Tous droits réservés

---

En Prouvènço de bas se fai la bastejado dis oustau. Es ansin qu'ai fa aqueù pouèmo per baia un noum à moun oustau ! Ero la festo aqueù jour e soun vengu li tambourinaire : avèn canta la Prouvènço et begu un cop emé touti lis amis !

**La Bouscarlo**

Ero vengudo un beù matin  
Per nisa dins lou grand pin  
A ieù m'agradè bravamen  
De veire soun anamen

Uno venguè, piei mai de vint  
Voulastreja dins lou jardin !  
Venien, à voù, à moulounado  
Beca moun gran, jamai lassado.

Es revengudo lou lendeman  
E se pausè dedins ma man  
Ere ben fiero en aquèu jour  
Cresiéu qu'anave faire lou tour

Lou tour dou pin émai dou ceù  
En coumpagno de moun anceù  
Disiéu : « Mounte siès, bouscarleto ? »  
Subran venié, fasant l'aletto...

Pamens un triste jour d'estiéu  
De bado ai crida moun aucèu...  
Enfin l'agasso trufarello  
Souleto a respoundu, crudello :

« Lou sas ? A parti la bouscarlo  
Vieùre sa vido à grand cop d'alo ! »  
Me prengué coume un tremoulun,  
Lou cor quicha de l'amarun.

O Bouscarleto !

Vieùra toujours toun souveni,  
Se quauque jour, qu'aucun me dis :  
« De quei lou noum de toun oustau ? »  
Iè respoundrai emè proun gau !

Es la « Bouscarlo ! » E beleù  
Vesent acò, moun bel aucèu,  
A tiro d'alo tournara,  
Per escouta lou mestierau

Mai déjà vuei ma bouscarleto  
Te gramacian, gento amigueto !  
Ieù, lou Ramoun émai lou chin !  
Esvartant de nous lou pegin  
N'as fa ama l'immenso Crau  
Ounte mestrejo lou mistrau

Susano JOUVE

[Lire la traduction](#)